

Prefásiu

Projeitu “Hametin Rezilénsia Komunidade hasoru Dezastre Klimatika Induzidos iha Korridor Dezenvolvimentu Estrada Dili ba Ainaro (DARDC Project)” nia dokumentu projeitu asina entre UNDP no Ministério da Solidariedade Social (MSS) iha fulan Outubru de 2014. Objetivu husi projeitu ida ne’e mak atu protéje infraestrutura ekonomia importante sira ba iha dezenvolvimentu umana ne’ebé sustentável husi klima induzidos ba iha risku naturais hanesan (Be sa’e/Inundasaun, Rai monu, Anin bot) liu husi politika ne’ebé diak, refórta instituisaun lokál Gestão Risku de Dezastre nian no halao investimentu iha asaun ba redusaun risku iha korridor dezenvolvimentu Estrada Dili ba Ainaro.

Objetivu projeitu mak atu alkansa objetivu sira iha leten liu husi i) hasa’e integrasaun Mudansa Klimatika ba iha Politika Nasionál Gestão Risku de Dezastre (GRD); ii) Fórnese asesu bai ha koñesimentu no treinamentu kona-ba GRD; iii) Hametin kapasidade institusionál bai ha planu, orsamentál, ezekusaun investimentu sira iha GRD, liuliu iha nível municipio; iv) dezenvolve Sistema alerta seidu atu reduz risku mosu husi dezastre ne’ebé kauza husi mudansa klimatika; no v) Reduz komunidade kbit laek iha DARDC liu husi reduz estragus ba infraestrutura liu husi implementasaun rezilénsia klimatika no ecosistema bazeia ba aproximasaun GRD.

Projeitu Instantâneo (Project Snapshot):

Titulu Projeitu: Hametin Rezilénsia Komunidade hasoru Dezastre ne’ebé kauza husi Mudansa Klimatika iha Korridor Dezenvolvimentu Estrada Dili ba Ainaro (DARDC Project)

Durasaun Projeitu: 2014-2018

Parseirus Projeitu: Ministério da Solidariedade Social – Direcção Nacional de Gestão de Risku de Dezastre

Rezultadu Projeitu:

Rezultadu 1: Autoridades Lokál ninia Koñesimentu no komprensaun kona-ba mudansa klimatika husi dezastre naturais induzidos aumenta, no komprende diak konsekuensia husi impaktu infraestrutura ekonómia no disponível ba iha halo politika (policy makers), halo planu no pesoál tékniku.

Rezultadu 2: Instituisaun Gestão Risku de Dezastre municipios iha kapasidade atu avalia, planu orsamento no halao investimentu ba prevensaun ba risku mudansa klimatika ligadu ba infraestrutura kritikál ekonomia no propriédade sira iha korridor dezenvolvimentu Estrada Dili-Ainaro.

Rezultadu 3: Investimentu komunidade implementa atu hamenus/reduz mudansa klimatika no propriedade kritikál infraestrutura sira ne’ebé estragus husi dezastre induzidos no ekonomia ne’ebé luan.

Orsamentu Projeitu:

Total Orsamentu:

Total rekursus ne’ebé presija	: 42,616,780
Totál Alokasaun Rekursus	: 42,616,780
GEF - LDCF	: 5,250,000
Co-financing (In-kind contributions):	: 37,366,780

Orsamentu Anuál 2017:

Total rekursus ne’ebé presija	: \$2,210,764
-------------------------------	---------------

Despesas 2017:

Total Despesas	: ± \$1.1 miloens (inklui komitmentu no pagamentu adiantamentu sira)
----------------	--

Lokalizaun: Timor-Leste, Nível Nasionál, Municipio (Aileu, Ainaro, Ermera, Manufahi)

Contact person: [Dr. Shyam Krishna Paudel](#), Asésor Chefe Tékniku/Jestór Projeitu; email: shyam.paudel@undp.org
Tel: +670 7795 2899



Ministra da Solidariedade Social, S.E. Isabel Amaral Guterres, lidera enkontru Diretivas ho PNUD, Banku Mundial no parte interesadus hodi hato'o progresu husi implementasaun projeitu iha fulan neen nia laran. Photo: Marino Mouzinho/UNDP

Progresu to'o ohin loron:

- Manual Treinamentu kona-ba RRD/GRD/AMK no baze de dados kona-ba lakon no estragus dezastre lansa ona. Treinamentu GRD halao ona iha Baucau, Manufahi, RAEOA Oecusse no Bobonaro iha fulan Juñu to'o Agostu 2017 ho kolaborasaun husi INAP, MSS no CCCB.
- Relatoriu final kona-ba "Stratèjia Dezenvolvimentu Kapasidade kona-ba Abordajen Jéneru iha Redusaun Risku Dezastre o Adaptasaun Mudansa Klimátika dispónivel ona.
- Avaliasaun Médiu Prazu (MTR) ba projeitu DARDC kompleta ona.
- Asesmentu kapasidade ba MSS, INAP, MAF no liña ministeriais kona-ba GRD halao ona iha fulan Agostu 2017. Relatoriu final sei dispónivel iha tempu badak.
- Halao ona treinamentu dala Ualu atu hasa'e kapasidade ba to'os nain liu 100 no funsiunariu MAF kona-ba Tékniku Fukuoka atu promove kultivasaun organiku iha Aileu, Ermera, Ainaro no Manufahi.
- Mekanismu Fundus Komplementar atu apoiu konstrusaun no manutensaun ba infraestrutur reziliente sira halao hela. Montante orsamentu \$ 200,000 transfere on aba iha Ministério Administração Estatal (MAE) atu apoiu projeitu 7 iha tinan ida ne'e, ne'ebé implementa ho kolaborasaun ho administrasaun municipio sira.
- Projeitu mós iha kolaborasaun besik ho Ministério Agricultura no Pescas (MAP) atu promove reflorestasaun no infraestrutur bazeia ba comunidade iha koridor Estrada atu reduz vulnerabilidade comunidade sira. Projeitu estabelese ona centru viveirus haat no kuda ona ai-oan iha rai hektares 16 no halao konstrusaun ba trava kadalak iha koridor Estrada Dili-Ainaro.
- Projeitu kompleta ona mapeamentu GIS husi mota ki'ik hamutuk 26 iha projeitu ne'e. Hasa'e kapasidade nasionál kona-ba Sistema monitorizasaun avansadu utiliza GIS no Drone iha ona prosesu nia laran.
- Projeitu dezeña ona "Sistema Alerta Seidu" bazeia ba avaliasaun risku iha area projeitu. Projeitu iha prosesu sosa no instalasaun nesariu ba ekipamentu Sistema alerta. Projeitu rekruta ona pontu fokál nain 3 atu halo operasaun bai ha Sistema alerta seidu.
- Dezenvolvimentu ba padraun jestaun basia-Hidrográfika, planeamentu utilizasaun rai agora lao hela.
- Projeitu servisu hamutuk ona ho MAHARU (ONG lokál) atu implementa varius atividade inklui reflorestasaun, mobilizasaun no kampaña sensibilizasaun comunidade iha Ainaro.



Komunidade halao terasaun iha Suco Aitutu, Postu Administrativu Maubisse, Municipio Ainaro. Photo: Leonel Bere/UNDP



Ministra da Solidariedade Social, S.E. Isabel Amaral Guterres, halo lansamentu hodi kuda ai-oan iha area reflorestasaun Suco Aitutu, Municipio Ainaro. Photo: Harun Boavida/UNDP